

OL STAMBA TINGTING BLONG SAVE LONG TAEM BLONG DISASTA

SAEKLON

WONING SAEN BLONG SAEKLON

- Klaodi kondisen wetem hevi ren i fuldaon mo tanda we i save stap kasem wan o tu dei
- Win i strong tumas
- Solwota raf bigwan
- Ol riva oli ron bigwan mo i mekem wota i kam antap long ol ples we i flat

BIFO

- Putum gud ol pis kapa mo ol nara samting we win i save blowem awe.
- Trimim o katem branch blong ol wud
- Jekem gud ruf mo natangora blong haos blong yu
- Klosem ol sata mo ol windo
- LISEN long ol woning long RADIO

TAEM LONG SAEKLON

- Yu mas oltaem lisen long radio blong harem ol apdet woning blong saeklon
- Yu MAS STAP INSAED LONG HAOS we i sef oltaem
- Sipos yu stap aotsaet, yu mas faenem wan ples we i sef (no mas stap anda long wan tri). Yu no traem blong krosem riva o go kolosap long em o go long solwota

TSUNAMI

SAEN BLONG TSUNAMI

- Wan etkwek
- Level blong solwota i drae bigwan o kam so bigwan tumas
- Wan « roaring » noes

BIFO

- Yu mas mekem wan plan blong muv i go wea mo hao nao bambae yu go long sef ples ia. Olgeta hil ol i sef long taem blong tsunami
- Tsunami em i no wan wev nomo be fulap wev so yu mas kontinu blong stap long wan hae graon blong 2 - 3 haos

TAEM BLONG TSUNAMI

- Sapos yu luk se tsunami bae i hapen, muvaot mo go long hill = RON i go long ples we i sef, U NO WET blong ol i talem long yu, U NO WET taem we yu luk wev
- Neva go long solwota blong watjem tsunami
- Sapos yu stap long wan bot o kenu, yu no mas go bak long so. Bot em i sef long tsunami taem i stap long open solwota
- Yu no mas stap long ples we i flat kolosap long solwota afta wan etkwek. Yu mas muv kwiktaem i go antap

ETKWEK

BIFO

- Faenem sef ples kolosap long haos blong yu, skul mo ples we yu wok long hem

TAEM ETKWEK I HAPEN

- DROP, COVER AND HOLD. Haet long wan sef ples olsem frem blong doa, tebol o andanit long bed.
- Sapos yu stap aotsaed, muv i go long wan open ples, longwe long ol haos, wut mo rop blong laet.
- Sapos yu stap long solwota o kolosap long riva, yu mas muv i go long hill afta we graon i stop blong muvmuv
- Sapos yu stap long trak, stop long wan ples we i klia mo stap insaed long trak nomo.

FLADING

BIFO

- Yu mas save histri blong ol bigfala flad long area blong yu
- Yu mas faenemaot wan ples, blong yu go long hem sipos flad i spolem ples we yu live long em
- Riperem haos blong yu i strong
- Klinim rod blong wota raon long haos blong yu

TAEM LONG FLAD

- Yu mas oltaem lisen long ol woning long radio mo monitarem gud level blong wota long taem blong flad
- Yu no mas traem blong krosem wota we level blong em i pitim kni blong yu
- Neva letem ol pikinini blong pleple kolosap long riva we i flad o kolosap long ol bigfala wev
- Ol animol ol i save swim gud. No lego olgeta insaed long fanis. Rilisim ol animol
- Yu no mas drink wota blong flad from em i toti. Yu mas boelem wota bifo yu drink

VOLKANO

BIFO

- Ripotem ol saen we i niu klosap long volkeno
- Sipos yu liv long ples we i denja long volkeno, mekem plan blong yu long wanem rod bae we folem

TAEM BLONG VOLKANO

- Lisen mo folem ol instraksen we i kamaot long ol otoriti mo long radio
- Sipos yu no nid blong muvaot long ples we yu stap long em, yu mas stap insaed long haos, sarew windo mo doa
- Yu mas warem ol klos blong protektem hed mo bodi taem yu wokbaot aotsaed, usum klin kaliko taem yu pulum

AFTA

- Yu mas oltaem kontinu blong lisen long ol apdet mo folem ol instraksen we ol otoriti ol i givim
- Yu save helpem ol pipol we ol i kasem kil sipos yu tink se i oraet long yu
- Yu mas koperet gud wetem reskiu tim
- Jekem ol haos, ol propeti blong yu mo ol nara damej raon long ples we yu stap long hem mo ripotem long ol risponsibol otoriti